

# INUIT ATAQATIGIIT

## Inatsisartuni



07. 07.2023

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

### Naalakkersuisunut apeqquq:

- 1. Naalakkersuisut isumaqarpat nipilersortartoq namminersortoq allamillu suliffeqarani taamaallaat nipilersortartuunerminik inuussutissarsiuteqartoq aammalu namminersortut allattorsimaffianni allattorsimasuulluni CVR.nr-qartoq, allatulli sulisartutut akileraarutininik A-nik imaluunniit B-nik akileraaruserneqarluni akissarsisassasoq?**
- 2. Naalakkersuisut Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersoq § 7 imm. 8 allanngortinniarlugu pilersaaruteqarpat?**
  - a. Akissut aappiuppat Naalakkersuisut qanoq pilersaaruteqarpat?**
  - b. Akissut naamiuppat Naalakkersuisut suna tunngavingalugu allannguiniangillat?**
- 3. Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersoq § 7 imm. 8 naapertorlugu nipilersortartut isertitaminnik akileraartussanngortinneqarsimasut aammalu suliffeqarfittut akileraarsimasut ukiuni 2021-mi aamm 2022-mi koruuninngorlugit qanoq annertutigippat?**
- 4. Tassunga tunngasumik Naalakkersuisut allamik oqaasissaqarpat?**

(Peter Olsen Inatsisartuni ilaasortaq, Inuit Ataqatigiit)

### Tunngavilersuut:

Nipilersortartut namminersortut Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersoq § 7 imm. 8 tunngavingalugu aningaasarsiaqartarput.

Nipilersortartoq allatulli sulisartutut akileraarluni akissarsitinneqartarpoq uffalu CVR-nr-qarluni, namminersortutullu nalunaarsorsimalluni fakturamik akiligassamik nassiussiinnarsinnaagualarluni.

Taamatut tunngavilersuuteqarlunga matumuuna apeqquteqaatiga ingerlateqqippara.

Kissaatigaaralu apeqqutima ullut qulit iluanni akineqassasoq.